

12-01/78-son

22 iyul 2025 yil.



"ТАСДИҚЛАЙМАН"

Вилоят ҳокими

Н.Т.Турсунов

**Гиёҳвандлик воситалари ва психотроп моддалар устидан назорат
қилиш бўйича ҳудудий комиссиясининг йиғилиш
Б А Ё Н И**

2025 йил "18" июль

Навоий шаҳри

Йиғилиш раиси:

**вилоят ҳокими, ҳудудий комиссия
раиси Н.Турсунов**

Таклиф этилган:

Вилоят ҳокимининг ўринбосарлари,
ҳудудий комиссия аъзолари, масалага
алоқадор идоралар раҳбарлари, туман
(шаҳар) комиссия аъзолари
(видеоконференцалоқа орқали)

КУН ТАРТИБИ:

1. 2025 йилнинг 6 оyi давомида гиёҳвандлик воситалари ва психотроп моддалар устидан назорат қилиш бўйича ҳудудий ҳамда туман (шаҳар) комиссия аъзолари томонидан олиб борилган ишлар сарҳисоби, вилоят ҳудудида содир этилган наркожиноятлар таҳлили.

2. Ўзбекистон Республикаси Вазирлар Маҳкамасининг 15.11.2024 йилги 759-сон қарори билан тасдиқланган "Ўзбекистон Республикасида гиёҳвандлик ва наркожиноятларга қарши курашиш бўйича миллий стратегияни амалга ошириш юзасидан 2024-2025 йилларга мўлжалланган миллий дастур"нинг ижроси.

(Н.Турсунов, Ж.Ходжаев, А.Тасбаев, комиссия аъзолари, ..., Н.Турсунов)

Йиғилишни вилоят ҳокими Н.Турсунов кириш сўзи билан очиб, йиғилиш иштирокчиларини кун тартибига қўйилган масалалар билан таништирди.

Жумладан, раислик этувчи томонидан Ўзбекистон Республикаси Президенти томонидан 2024 йил 6 майда "Ўзбекистон Республикасида гиёҳвандлик воситалари ва психотроп моддаларнинг ноқонуний айланмасига чек қўйиш орқали уларнинг аҳоли саломатлиги ва мамлакатимиз генофондига

салбий таъсирини бартараф этиш стратегик чора-тадбирлари тўғрисида” ПФ-73-сон Фармони қабул қилинганлиги, Фармон ижроси доирасида Вазирлар Маҳкамасининг 15.11.2024 йилги 759-сон қарори қабул қилиниб, ушбу қарор билан “Ўзбекистон Республикасида гиёҳвандлик ва наркожиноятларга қарши курашиш бўйича миллий стратегияни амалга ошириш юзасидан 2024-2025 йилларга мўлжалланган миллий дастур” (кейинги матнларда – Миллий дастур) тасдиқланганлиги ва унда аҳолида гиёҳвандликка қарши иммунитетни шакллантириш, гиёҳвандлик ва наркожиноятларнинг олдини олишга қаратилган сифат жиҳатидан янги механизмларни белгилаш, наркожиноятларга қарши курашиш фаолиятига замонавий ишлаш усулларини тадбиқ қилиш, аҳолига сифатли наркологик ёрдам кўрсатиш тизимини янги методлар асосида ривожлантириш, гиёҳвандликнинг тиббий-ижтимоий реабилитациясини такомиллаштириш, гиёҳвандлик ва наркожиноятларга қарши курашиш соҳасида илмий-тадқиқот фаолиятини ривожлантириш ва шу каби бошқа мақсадлар назарда тутилганлаги маълум қилинди.

Шу билан бирга, йиғилиш раиси томонидан ҳудудий ва жойлардаги туман (шаҳар) комиссия аъзолари юқорида қайд этилган норматив-ҳуқуқий ҳужжатларда назарда тутилган топшириқларнинг мазмун-моҳиятини ҳали-ҳанузгача тушунмаганликлари ва бунинг оқибатида комиссиялар фаолияти ўта қониқарсиз олиб борилаётганлиги танқид қилинди.

Йиғилишда, шунингдек жорий йилнинг ўтган даври мобайнида қайд этилган наркожиноятлар таҳлил қилинди.

Жумладан, 2025 йил 6 ой якуни бўйича 210 (2024 йилда 189) та гиёҳвандлик воситалари, психотроп ва синтетик моддалари ҳамда кучли таъсир қилувчи дори воситалари билан боғлиқ ҳолатлар аниқланган, жами бўлиб, 14 кг 864 грамм (2024 йил 6 ой давомида 5 кг 74 грамм) гиёҳвандлик воситалари олинган, катта миқдордаги гиёҳвандлик моддалари билан боғлиқ 20 та (2024 йилда 17 та) ҳолат аниқланган бўлиб, гуруҳлар томонидан 61 та (2024 йилда 69 та) ҳолат содир этилган, шунингдек, 2025 йилнинг 6 ойи давомида 26 та (2024 йилда 14 та) маъмурий ҳолат (*Кармана 9 та, Ғозгон 3 та, Навоий 5 та, Конимех, Қизилтепа, Навбаҳор 2 тадан ва Нурота, Хатирчи 1 тадан*)лар аниқланган.

Шундан сўнг, йиғилишда ҳудудий ва туман (шаҳар) комиссия аъзоларининг ҳисоботлари тингланди.

Вилоятда жиноятчиликни жиловлаш, криминоген вазиятни барқарорлигини таъминлаш, гиёҳвандлик ва наркожиноятларга қарши курашиш, аҳолида гиёҳвандликка қарши иммунитетни шакллантириш мақсадида йиғилиш,

ҚАРОР ҚИЛАДИ:

1. Кун тартибидаги масалалар бўйича масъул раҳбарларнинг берган ҳисоботлари маълумот учун қабул қилинсин.

2. Гиёҳвандлик воситалари ва психотроп моддалар устидан назорат қилиш бўйича ҳудудий ҳамда туман (шаҳар) комиссия аъзоларининг 2025 йилнинг 2-чораги давомида олиб борилган фаолияти қониқарсиз деб топилсин.

3. Вилоят ички ишлар бошқармаси (А.Тасбаев)га:

маҳаллаларда содир этилаётган ҳар бир наркожиноятларнинг муҳокама этилишини шахсан назорат қилиб бориш;

маҳаллаларда аҳоли ўртасида кенг жамоатчиликни жалб қилган ҳолда наркожиноятларни олдини олиш юзасидан аҳоли билан тарғибот-ташвиқот ишларини мунтазам равишда олиб бориш;

ҳудудий ҳамда туман (шаҳар) комиссия аъзоларининг фаолияти тўғрисида комиссия раисига мунтазам равишда танқидий маълумотлар киритиб бориш топширилсин.

4. Вилоят ҳокимининг ўринбосари, ҳудудий комиссия раиси ўринбосари (Ж.Ходжаев), вилоят ИИБ (А.Тасбаев), туман (шаҳар) комиссия раисларига:

ҳар ҳафта пайшанба куни ўтказиладиган “Ҳуқуқбузарликлар профилактикаси куни” доирасидаги тадбирларга “маҳалла еттилиги”, ҳудудий ички ишлар ва бошқа алоқадор идоралар раҳбарлари ва кенг жамоатчиликни фаол жалб қилган ҳолда аҳолида гиёҳвандликка қарши иммунитетни шакллантириш юзасидан манзилли тушунтириш-тарғибот ишларини олиб борсин;

ҳар чорак якуни билан, маҳаллаларда наркожиноятларни олдини олиш юзасидан манзилли чора-тадбирлар дастурларини сифатли ишлаб чиқиб, уларнинг ижросини тўлақонли таъминлаш чораларини кўрсин;

шунингдек, Миллий дастурда белгиланган қўйидаги топшириқлар ўз вақтида бажарилишини таъминласин:

ҳудуддаги нарковазиятни соғломлаштириш;

жойлардаги бошқармалар (бўлимлар), туман (шаҳар) комиссиялари фаолиятини ўрганиш;

аҳолининг кенг қатлами, жумладан, ёшлар ва аёллар огоҳлигини оширишга қаратилган тадбирларни мунтазам равишда ўтказиб бориш;

таълим муассасаларида профилактик огоҳлантирув тадбирларини ташкил этиб бориш;

таълим муассасаларида тарбиявий ишларга масъул бўлган ходимларнинг гиёҳвандлик ва наркожиноятлар профилактикаси борасидаги билим ва кўникмаларини ошириш;

“Маҳалла еттилиги” кўмагида уюшмаган ёшларда гиёҳвандликка қарши иммунитетни шакллантириш;

наркотик моддалар билан боғлиқ жиноятлар содир этиб, жазо ўтаётган ёки жазони ўтаб чиққан шахсларни ижтимоий ҳаётга қайтариш чораларини кўриш;

тезкор-профилактик ойликлар ташкил этиб бориш ва якуни бўйича Давлат комиссиясига ҳисоботлар тақдим этиб бориш;

туман (шаҳар) комиссиялари томонидан ўтказилган йиғилишлар, унда белгиланган топшириқлар ва уларнинг бажарилганлиги ҳолатини ўрганиб бориш;

вилоятдаги наркология муассасалари ҳамда ХМҚОларнинг моддий-техник базасини ривожлантириш бўйича комиссия раисига асослантирилган таклифларни киритиш.

5. Туман (шаҳар) ҳокимлари ҳар ойда камида бир маротаба гиёҳвандлик воситалари ва психотроп моддалар устидан назорат қилиш бўйича туман (шаҳар) комиссияларининг йиғилишларини ўтказиб, уларда комиссия аъзолари томонидан олиб борилаётган ишларни танқидий кўриб чиқишини таъминласин;

комиссиялар фаолиятида аниқланган муаммоли масалаларнинг ҳал этилишига ҳар томонлама кўмаклашсин.

6. Ёшлар ишлари агентлиги вилоят бошқармаси (У.Бахромов), вилоят спорт бошқармаси (Ж.Муртазаев), ички ишлар бошқармаси (А.Тасбаев) туман (шаҳар) ҳокимликлари билан биргаликда вояга етмаганлар ва ёшлар ўртасида наркожиноятлар содир этилишини олдини олиш ва ҳуқуқбузарликка қарши курашишда ҳудудий давлат ва жамоат ташкилотлари, маҳалла ҳамда таълим муассасаларининг ички ишлар органлари билан узвий ҳамкорлиги асосида:

маҳаллалардаги ёшлар етакчилари билан ҳамкорликда (Ўзбекистон Республикаси Президентининг 19.01.2022 йилдаги ПҚ-92-сонли Қарори асосида) йўлга қўйилган чора-тадбирлар изчиллик билан давом эттириш, биринчи галда ёшларнинг мавжуд муаммоларини аниқлаш ва уларнинг ечимига асосий эътиборни қаратсин;

бир ой муддатда, тарбияси оғир, хулқ-атвори ёмон ёшларнинг “маҳаллабай” рўйхатларини қайта шакллантириб, уларни ватанпарварлик руҳида тарбиялаш, тарғибот тадбирларини амалга ошириш чораларини кўрсин;

ёшлар орасида наркожиноятлар содир этиш эҳтимоли мавжуд бўлганлари билан индивидуал ёндошган ҳолда уларни ўқитиш, тарбиялаш, меҳнатга ўргатиш, уй билан таъминлаш, жамиятда уларни ўз ўрнини эгаллаши ва тўғри йўл танлашларида амалий ёрдам кўрсатсин;

вояга етмаганлар ва ёшлар ўртасида жиноят ва ҳуқуқбузарликлар содир этилишининг олдини олиш ҳамда уларнинг бўш вақтларини мазмунли ўтказиш мақсадида, ҳокимликлар ва таълим муассасалари билан ҳамкорликда

уларни мактаб, лицейлар, ёшлар маркази ва спорт мажмуаларида ташкил этилган тўғаракларга тўлиқ жалб этиш, шунингдек ёшларни касб ёки ҳунармандчиликка йўналтириш орқали бандлигини таъминлаш чораларини кўрсин.

7. Гиёҳвандлик воситалари ва психотроп моддалар устидан назорат қилиш бўйича ҳудудий комиссия масъул котиби (У.Шарипов) ҳудудий комиссиянинг ҳар чорак якуни бўйича йиғилишларини такшиллаштириб борсин, шунингдек туман (шаҳар) комиссиялари фаолияти ҳар чоракда мувофиқлаштириб бориб, натижаси тўғрисида Давлат комиссиясига маълумот киритиб борсин.

8. Мазкур йиғилиш баёнининг бажарилишини назорат қилиш вилоят ҳокимининг ўринбосари Ж.Ходжаев ва вилоят ички ишлар бошқармаси бошлиғи А.Тасбаев зиммасига юклансин.

Баёнлаштирди:



У.Шарипов